



Centar za pravnu pomoć ženama – Center of Legal Assistance for Women
Adresa: Mejdandžik 9; 72000 Zenica; Bosna i Hercegovina
Tel/fax: +387 32 402-049
e-mail: czppzz@gmail.com
Web: <http://www.cenppz.org.ba>

U cilju prevencije i suzbijanja seksualnog i rodno zasnovanog nasilja u BiH, povećanja pravičnosti, efikasnosti i transparentnosti pravosudnog sistema u BiH, prikupljanja i analize relevantnih informacija u postupcima procesuiranja predmeta seksualnog i rodno zasnovanog nasilja, sa ciljem pružanja podrške tekućem procesu reforme pravosudnog sektora, utvrđivanja sistemskih problema u procesuiranju predmeta seksualnog i rodno zasnovanog nasilja u nadležnosti pravosuda, vršenja procjene u kojoj mjeri se pravosude pridržava relevantnih međunarodnih standarda i domaćih zakona koji regulišu seksualno i rodno zasnovano nasilje, te pomoći procesu izgradnje transparentnosti i povjerenja u rad pravosuda, Centar za pravnu pomoć ženama (u daljem tekstu: Centar) i Općinski sud u Bugojnu dana 22.04.2016. godine zaključili su

**Protokol o saradnji
na implementaciji projekta**

"Unapređenje prevencije i suzbijanja rodno zasnovanog nasilja u BiH"

Član 1.

Centar se obavezuje da će sve aktivnosti tokom implementacije Protokola počivati na sljedećim načelima:

- načelo nemiješanja u sudski postupak;
- načelo nepristrasnosti;
- načelo profesionalnosti;
- načelo povjerljivosti.

Praćenje suđenja vršit će monitorke (posmatračice) koje će svoj identitet potvrđivati akreditacijom Centra, o čemu će Sud biti pismeno obaviješten.

Član 2.

Općinski sud u Bugojnu se obavezuje da će osigurati pristup sudu i suđenjima monitorkama koje su određene za praćenje predmeta koji se odnose na procesuiranje seksualnog i rodno zasnovanog nasilja, što podrazumijeva:

- Odrediti službenu osobu zaduženu za kontakte i saradnju sa monitorkama, i o tome pismeno obavijestiti Centar.
- Blagovremeno obavještavati o rasporedu krivičnih postupaka gdje su žrtve/oštećene ženskog spola, i to za:

1. Krivična djela protiv života i tijela iz glave XVI KZ FBiH;

2. Krivična djela protiv spolne slobode i morala iz glave XIX KZ FBiH;
 3. Krivična djela protiv braka, porodice i mladeži iz glave XX KZ FBiH;
- Omogućiti prisustvo na ročištima o razmatranju sporazuma o priznanju krivice, izricanju krivičnih sankcija, postupcima po kaznenim nalogima i glavnim pretresima, pristup sudnjima zatvorenim za javnost o čemu će u svakom konkretnom predmetu odlučivati postupajući sudija, uključujući i prisustvo u prekršajnim postupcima kada sud odluči izvesti nasilnu osobu pred sud a radi izricanja zaštitne mjere prema Zakonu o zaštiti od nasilja u porodici;
 - Omogućiti uvid i kopiranje krivičnih spisa praćenih predmeta u skladu sa Zakonom o sudovima, uključujući i predmete gdje je sudskim rješenjem javnost isključena. Odobrenje će za svaki predmet davati postupajući sudija;
 - Omogućiti uvid i kopiranje prekršajnih spisa u skladu sa Zakonom o sudovima koji se odnose na izrečene zaštitne mjere počiniteljima nasilja u porodici prema Zakonu o zaštiti od nasilja u porodici FBiH. Odobrenje će za svaki predmet davati postupajući sudija;
 - Za arhivirane predmete iz perioda 2013-2016. godine uvid i kopiranje predmeta vršit će se uz odobrenje Predsjednice Općinskog suda u Bugojnu.

Član 3.

Protokol se zaključuje počev od dana njegovog potpisivanja od strane Predsjednice Centra i Predsjednice Općinskog suda u Bugojnu, i traje do kraja decembra 2017. godine.

Član 4.

Na osnovu podataka prikupljenih tokom praćenja suđenja od strane monitorke izradit će se analitički izvještaj sa preporukama i nalazima namijenjen unapređenju legislative i prakse u procesuiranju slučajeva seksualnog i rodno zasnovanog nasilja.


Član 5.

Izmjene i dopune Protokola vrše se u formi pisanog aneksa.

Član 6.

Protokol o saradnji je potpisan u šest (6) primjeraka, za svaku stranu po tri (3) primjerka.

za Centar za pravnu pomoć ženama


Meliha Sendić, Predsjednica

Broj: 1-142/16



za Općinski sud u Bugojnu


Randžana Hadžibegović, Predsjednica

Broj: Su.068333316 Su

